

**Søknad om opptak i
Bygdeutviklingsprogrammet 2011**

"Korleis skape utvikling i eit verna område"



Instedalen Krins, Naustdal kommune

Innhaldsliste:

1. Innleiing	3
1.1 Bakgrunn for søknad	3
1.2 Presentasjon av Instedalen Krins.	3
Næringer og sysselsetting	4
Lag og organisasjoner.....	5
Aktivitetar/Arrangement.....	5
Natur og Friluftsliv	6
Kunst og utvikling	8
Ski og vinteraktivitetar	9
Ski og vinteraktivitetar	9
2. Bygdeutvikling	10
2.1 Søknadsprosessen	10
2.2 Val av lokalt prosjektstyre	10
2.3 Kva føresetnader har bygda?	10
2.4 Visjonar og mål for Instedalen	11
2.5 Vidareføring etter at prosjekttida er over.....	11
3. Samarbeidspartnarar.....	12
4. Oversikt over BU tiltak.....	13
5. Budsjett og finansiering.....	15
5.1 Budsjett	15
5.2 Finansiering	16

1. Innleiing

1.1 Bakgrunn for søknad

I Naustdal kommune ligg det føre planer om utbygging / fortetting av sentrum. Det er positivt men vi som bur i enden av kommunen tenkjer då: Kva med oss som bur i utkanten? Og er det noko vi kan gjere for at folk skal ha lyst til å bu her?

I Instedalen har det vore nedgang i folketallet dei siste åra. Men mange ungdommar har og flytta heim att, busett seg i området og stifta familie. På fritida har ein gjerne mått reise til sentrum eller Førde for å finne tilbod og sosiale tiltak som ein saknar i nærmiljøet. Dette har mellom andre nokre foreldre tatt tak i, og starta barneidrett. Vi har skileikanlegget, vi har eit anvendeleg og funksjonelt grendehus (nedlagd skule), styret for grendelaget har mange saker på arbeidsplanen - kort sagt: vi har mange aktivitetar og tiltak som vi gjerne skulle ha utvikla meir.

Elva Nausta er verna, og eit stort landskapsvernområde ligg i vår del av kommunen. Dette vil vi sjå som ein ressurs, og vi ynskjer å setje fokus på dei mulighetene vi har når det gjeld den flotte naturen. På den måten vonar vi å skape merksemd om, og ei positiv haldning til eit landskapsvern.

Målsetjing: få folk til å busetje seg her, og legge til rette for trivsel og utvikling i grenda vår.

1.2 Presentasjon av Instedalen Krins.


Instedalen er den inste av 3 krinsar i Naustedalen. Det vil seie området frå Styggelia og så langt austover som kommunegrensa går. Vi grensar mot kommunane Førde, Jølster og Gloppen.

Vi er den delen av Naustdal kommune med størst folketalsnedgang dei siste 10 åra. I dag bur her ca. 200 innbyggjarar. Mange unge reiser ut for å ta utdanning, og vanskar med jobb og bustad er ofte ein grunn til at dei ikkje vender tilbake. Trass nedgang har vi dei siste åra hatt tilflytting av fleire barnefamiliar utan tilknytning til Naustedalen. Blant anna har eit par frå England og ein Polsk familie flytta hit. Mange trufaste hyttebuarar kjem reisande for å delta på ymse tilstellingar i grenda.

Vi er ei jordbruksbygd, men med sterkt nedgang i talet på aktive bønder. Få av brukarar gir nok utkomme til å leve av, derfor har dei fleste arbeid utanom for eksempel i Naustdal sentrum, Førde og Florø.

Det spesielle med Instedalen, er at store deler av tilhøyrande utmark- og fjellområde ligg i Naustdal Gjengedal landskapsvernområde. Verninga har sett ein standard for bruk av området. Mellom anna vart elva Nausta som renn gjennom heile dalen, verna i 2005.

Samstundes er klassifisinga som landskapsvernområde eit prov på at dette området har heilt spesielle naturgitte eigenskapar. Her finn vi fleire fjell (opp til 1390 m) med fantastisk utsikt over store fjellvidder og trollske dalføre. Mange gode fiskevatn. Dette er rett og slett eit unikt tur- og friluftsområde som er lett tilgjengeleg. Det er fleire stølar i området og mange ulike turalternativ, alt frå korte og lette, til turar over fleire dagar. Med sitt store mangfold og variasjon, kan Instedalen tilby eit naturområde av ypperste klasse til friluftsliv og rekreasjon. Her er rikeleg med plass til mange fleire enn dei som bur i Instedalen. Dette naturområdet er kanskje Instedalen sin største ressurs.



Kart over Instedalen

Næringer og sysselsetting

Jordbruk:

Instedalen er ei jordbruksgrind med ca 48 gardsbruk, der 24 av desse er i aktiv drift i dag. Ca halvparten av desse driv mjølkeproduksjon, resten driv storfe/kjøtproduksjon og/eller sauheald. Det har vore ein viss nedgang i jordbruket dei siste åra. Likevel finns det arbeidsplassar også i avløysing. Instedalen har også gode høgfjellsbeiter i landskapsvernområdet.

Nærbutikk:

Nærbutikken "Fimlandsbu" er eigd og driven av bygdefolk. Dette er den einaste utkantbutikken i dalen, og den er kjærkommen for innbyggjarar og hytteturistar.

Andre næringer:

- Steinbrot, med stort uttak av ulik stein til ymse formål
- Sandtak
- Bilverkstad (Aven Auto)

- Aromaterapi
- Kunstmaling
- Byggmeistrar
- Røyrlaggar
- Catering

Ein god del innbyggjarar har arbeid i dei nærliggande sentra som Naustdal, Førde og Florø. Det er akseptabel pendleavstand til desse (ca 30 min. til Førde, ca 20 min. til Naustdal sentrum og ca 50 min. til Florø).

Lag og organisasjonar

- Bygdekvinnelaget
- 4H
- Fotball for barn/Barneidrett
- Dameklubbar
- Felekurs
- Bingo
- Skigruppe /Skileikanlegg
- Misjonsforeining
- Grendalag Fimland
- Grendalag Øyna
- Røde Kors
- Dalen Tur og Trimlag



Von 4H – Ein aktiv gjeng som bidrar på fleire arrangement kvart år.

Aktivitetar/Arrangement

- Hjortefest
- Raspekake-skjærtorsdag
- 17 Mai feiring
- Jonsokfeiring
- 4H Haustfest
- Vonadagane
- Friluftsgudsteneste i Trodalen
- Skiskule

- SlettemarkArt
- Basar
- Juletrefest
- Skulehuset er vigsla for kyrkjelege handlingar, og der er fire gudstenester pr. år



17.Mai feiring i skulehuset



Jonsokkefeiring med brudafølgje

Natur og Friluftsliv

Instedalen ligg vakkert til inst i kommunen og grensar til Gloppe, Førde og Jølster. Bygda er omringa av fjellområde og vakker variert natur, noko som gjev rike moglegheiter for jakt, fiske og friluftsliv. Landskapet og fjellheimen i området blir beteikna som innrepsfrie, noko som førte til at det vart oppretta eit landskapsvern i delar av terrenget i 2009 (Naustdal-Gjengedal lanskapsområdet). Vi har mange fine fiskevatn som ligg idyllisk til både innafor og utanfor vernegrensene. Vi har også ein rik viltbestand beståande av hjort og eigen reinsdyrstamme, samt småvilt som ryper, storfugl og hare. Naturen er lett tilgjengeleg frå alle kantar av grenda, og det fins fleire muligheiter for overfartsturar til for eksempel Hyen, Jølster og Angedalen. Trodalen er i frå gamalt av den einaste ferdselsåra mellom Instedalen og Angedalen i Førde. Denne gamle ferdselsåra kryssar grenda, og går vidare gjennom Teigamarka og Vindalen til Hyen. Det er altså mogleg å gå i fotspora til gamalt ferdafolk mellom Nordfjord og Sunnfjord.




Trodalen

Midt inne i Lanskapsvernområdet ligg det ei turlagshytte ”Longevasshytta”, som er eit naturleg knytepunkt for fleire fine turar. Frå Vona gjennom Gottedalen og langs Longevatna, får ein då ein flott dagstur til denne hytta. Andre turar og arrangement er for eksempel ”kulturdag på Vona” og årleg skitur ”Årdal-Nes”, som er populær også for folk utanfor kommunen. Slike arrangement skapar sosial trivsel og får folk ut i den nydelege naturen som omringar bygda. På Vona fins ein velholt fjellgard, og hytteområdet rundt idylliske Vonavatnet er populært både vinter og sommar.

Landskapsvern gjer at Naustdal-Gjengedal-området kan bli teke vare på, så seinare generasjonar også kan ha glede av bevart natur.



Utsikt over grenda frå Høgfjellet



Elva Nausta




Inst i Gardalen

Kunst og utvikling

Instedalen har ei særskilt stilling i høve til kunst. Ein av dei mest markante kunstnarane i etterkrigstida vart fødd og vaks opp her. Det tok tid før Kjartan Slettemark kom attende som kunstnar til heimbygda.

Fra å vere møtt med skepsis og motstand, nærma fleire og fleire seg kunsten hans med spenning og interesse. I Instedalen har det dei siste 10-15 åra vore fleire kunsttilskipingar. Både 70- og 75-årsdagen til Kjartan Slettemark vart markert med store tilskipingar for både vaksne og ungar.

På den nedlagde gredaskulen er det samle nokre kunstverk etter Kjartan.



Her er ungane i full aktivitet saman med kunstnaren sjølv, ifbm bursdagsmarkering til Kjartan.



"Budeia" i Naustdal Sentrum – eit kunstverk av Kjartan

Ski og vinteraktivitetar

Instedalen er eit skieldorado med terreng og forhold for alle typar skiaktivitet. Med ei enkel tilrettelegging kan ein gå både bortover og oppover og renne nedover, både nær og i bygda og i fjellet. Det er mogleg å gå på både smale og breie ski. Snøforholda er til vanleg gode frå slutten av november til ut i april månad. Her har bygda eit stort aktivum både for folk som bur eller vil bu i bygda, og for dei som vitjar bygda i kortare eller lengre tid om vinteren.

Bygda har alt eit unikt skileikanlegg som vert meir og meir brukt. Bygda har Sandfjellet som er svært godt eigna for toppturar til langt ut på våren. Og no vert det lagt planar for ei lysløype (3-5 km) med start og innkomst i skileikanlegget. Det er også mogleg å lage fine turløyper innover gjennom Gardalen og vidare inn i Naustdal - Gjengedal landskapsvernområde.

Eit eige selskap (Instedalen Skianlegg BA) der Instedalen krins er medeigar, står for tilrettelegging av skiaktivitet i bygda. Også Tambarskjelvar IL og Naustdal kommune er medeigarar i selskapet som har vore i arbeid i fem år.

Instedalen Skianlegg står for drifta av veg og parkeringsplass ved Nes gjennom vinterhalvåret. Dette lettar tilgangen til det verna naturlandskapet i Vonamarka. I tillegg preparerer dei skiløype inn til Vonavatnet.



Foto: I.

I skileikanlegget har det dei tre-fire siste åra vore skiskule for ungar. Skigruppa i idrettslaget har lagt alle tevlingane sine til anlegget, og barnehagar og skular har hatt aktivitetsdagar i anlegget. I tillegg har det vore fleire og fleire som nyttar anlegget både på kveld og i helgar. Gjennom vinteren vert anlegget preparert slik at det er godt brukande til kvar kveld og helg.



Åsmund's skiskule



2. Bygdeutvikling

2.1 Søknadsprosessen

På bakgrunn av gode erfaringar med Vevring si deltaking i BU-programmet, har Naustdal Kommune orientert oss om programmet og råda oss i Instedalen til å søkje opptak. Styret i krisen var umiddelbart positive til dette, og i februar starte søknadsprosessen til BU-prosjektet 2011. Krinsstyret tok kontakt med fleire lokale personar som kunne bidra med utarbeidning av sjølve søknaden, noko som resulterte i ei ”arbeidsgruppe” på 8-9 personar. Arbeidsgruppa har informert lag og organisasjonar i krinsen og bede dei kome med innspel til søknaden. Det er halde fleire møter der også representant for kommunen, fylkesmannens si landbruksavdeling og Vevring grendalag har delteke.

BU prosjektet vart satt opp som eiga sak på agendaen til Krins-årsmøtet tidleg i Mars. Dette er eit møte der alle i krinsen får innkalling og muligkeit til å delta. Det vart gitt ei generell orientering om BU-prosjektet, og dei frammøtte sambygdingane fekk komme med innspel og forslag til BU-tiltak og prioriteringar. På den måten nådde ein ut til dei fleste i bygda. Alle var veldig positive til å søkje opptak i BU Prosjektet, og det vart tent forhåpningar om at endelig kan ein få på plass tiltak som kan auke trivsel og velvære både for nye og gamle innbyggjarar.

Vissheita om at dette er eit prosjekt heile grenda stiller seg bak, gjev sterkt inspirasjon og pågangsmot for vidare arbeid i eit eventuelt BU prosjekt.

2.2 Val av lokalt prosjektstyre

Janne Lykkebø (f. 1980), leiar
Ståle Fimland (f. 1971), nestleiar
Norodd Bruflat (f. 1953)
Ruth Signe Bruflat (f. 1974)
Janne Katrine Teigen (f. 1992)
Kjersti Følling Slettemark (f. 1992)

Arne Kringlen, Kommunalt oppnemnd medlem.

2.3 Kva føresetnader har bygda?

- Vi er ein krins på vel 200 innbyggjarar med sterkt engasjement, både frå unge og gamle. God dugnadsånd.
- Vi har velfungerande grendalag.
- Mange lokale aktivitetar og arrangement, 17.mai, jonsokfering ved skulehuset, hjortefest, juletrefest, 4H m.m. I tillegg fleire basarar, bingo og diverse møter.
- Ski og hytte eldorado på Vona i verna område.
- 2 grendeskular som blir brukt som forsamlingshus.
- Mange hyttefolk har sterkt tilknyting til grenda, og er såleis ein ressurs i miljøet.
- Nærbutikk.
- Svært vakker natur, god tilgjengeleghet til utmark og fjell.
- Merka og delvis tilrettelagde turstiar.
- Eit unikt kulturlandskap.
- Kulturminne.
- Heimstad til kjent kunstnar; Kjartan Slettemark.

- Rikeleg areal til både bustader, hytter og friluftsområde.
- Mykje skog.
- Gode jaktmoglegheiter, med stor hjorte- og småviltbestand.
- Grei pendleavstand til Naustdal sentrum, Førde og Florø.
- Landskap og vassdragsvern, kan bli ein resurs på sikt.

2.4 Visjonar og mål for Instedalen

Vi ynskjer at mange folk i alle aldrar vil bu i bygda. Dei unge som reiser ut for mellom anna studiar og utdanning, tenkjer ”borte bra, men heime best” og dermed flyttar dei tilbake etter kvart.

Dei gardsbruksområda som står tomme, vert selde eller leigde ut til folk som ynskjer å bu landleg og kunne realisere draumar om for eksempel dyrehald, og å kunne dyrke sine eigne bær og grønsaker.

Vi vil auke trivselen og slå eit slag for folkehelsa. Vi ser for oss eit velutstyrt trimrom i grennaskulen, samt ein ballbinge på uteområdet, der små og store kan få høve til å leike og trenre. Vinterstid har vi også skianleggset, med arrangement der oppslutninga er stor, også frå nabokommunane.

Vi ynskjer få til ei næringsutvikling, og ser høve for fleire arbeidsplassar både i landbruk/skogbruk, utmarksnæring og turisme. Mange er interesserte i hest og riding, og det blir tilrettelagt for at denne hobbyen også kan bli næring.

God oversikt med kart/beskrivingar av turar, lokkar mange friluftsmennesker til bygda både frå nær og fjern. Vi vil tilby overnatting for tilreisande.

Vi vil også vidareutvikle heimesida ”Instedalen.no”, og målet er at den skal være ei levande, og flittig brukte heimeside der folk kan følgje med på kva som rører seg i vår del av kommunen.

Ynskjer å gi kunsten verdi gjennom utstillingar og kunstseminar med særskilt vekt på Kjartan sin kunst. Ser for oss ein rekke aktivitetar og ein auka kreativt fokus blant innbyggjarane og tilreisande som vill sjå og oppleve noko av serpreget med heimstaden til Kjartan. For mange betyr kunst svært mykje, den vil skape diskusjon, engasjement og utvikling.

Ynskjer å få fokus på dei ulike resursane vi har i grenda, og bli bevisste dei mulighetene desse gir. Ikkje minst når det gjeld naturen. Vi vil få til ei positiv holdning til Landskapsvern, kanskje kan det bli ein infosenter for landskapsvernområdet i Instedalen og Vona .

Dugnadsånda er god, folk stiller opp og tek eit tak for felles nytte og glede, og vi vil byggje på det gode samhaldet i bygda vår. Vi vil at grenda vår skal pulsere av liv. Der skal vere folk og fe å sjå langs veier og stiar, det skal lyse frå hus og fjøsvindu, ryke frå piper, og det skal høyres lyd og skrall frå ulik aktivitet.

2.5 Vidareføring etter at prosjekttida er over

Etter prosjekttida, fortset ei prosjektgruppe med det samlande ansvaret for den vidare bygdeutviklinga. Prosjektgruppa vil ha som hovudmål å syte for vidareføring og kontinuitet. Det er fleire nye utviklingsprosjekt på gang i Naustedalen innan reiseliv og næringsutvikling. Ein viktig jobb for prosjektgruppa vil vere å vidareføre samarbeidet med desse, og oppretthalde kontakten med det nettverket som er etablert i prosjektperioden. Det vert lagt vekt på eit godt samarbeid med kommunen. Vi reknar med at det etter prosjektperioden, vil vere fleire prosjekt på gang, og at dei som driv desse, grunneigarar og andre lag, vil stå i jamnleg kontakt med prosjektgruppa.

3. Samarbeidspartnarar

Kommunen har vore samarbeidspartnar både under søknadsprosessen og vil også vere med vidare ved eit eventuelt BU prosjekt. Det vil og bli viktig å bruke kommunen opp mot alle søknadsprosessar, som løyver og igangsetting av prosjekt. Ved å ha med ein kommunal representant i prosjektgruppa, blir det enklare å halde alle orientert om stoda til ei kvar tid.

Ynskjer også å kontakte Vevring grendalag, som har delteke i BU-programmet tidlegare. Viktig med erfaringsoverføring og å kunne drøfte utfordringar undervegs i prosjektet.

Det vil vere naturleg å samarbeide med kommunale prosjekt som:

- Over Stokk og Stein (merking av turstiar)
- Skulemuseum
- Slettemarksenter
- Kommunedelplan for landbruk og bygdeutvikling

Andre viktige samarbeidspartnarar:

- Instedalen skianlegg (saman med lokalt idrettslag)
- 4H
- Andre lag og organisasjonar
- Grunneigarar
- Nettverk i dalen v/Therese Helland
- Dalen Næringscenter
- Tambarskjelvar idrettslag
- Øvre Naustdal Utmarkslag
- Landskapsvern sitt forvaltningsorgan/styre
- Beitelaga i området

Det er viktig at samarbeidet fortset også etter at BU prosjekttida er ferdig.

4. Oversikt over BU tiltak

BU tiltaka er presentert i tabellane under, og delt i 3 kategoriar:

- Trivsel – Prosjekt med hovudformål å auke trivselen i grenda
- Næringsutvikling – Prosjekt som fremmar næringsutvikling
- Busetnad – Prosjekt som skal bidra til auka busetnad

Det vil nok vere litt flytande grenser mellom kategoriane trivsel, næringsutvikling og busetnad, nokon av tiltaka hører nok heime under fleire.

Vi meinar denne tiltakslista er eit resultat av eit engasjert bygdefolk, der mange har delteke med forslag og kommentarar. Tiltakslista er eit første utkast til kva prosjekt vi vil ha fokus på i eit evt. BU-prosjekt, men vi meiner det må vere opning for endringar undervegs. Ein må alltid vere open for nye gode idear, og også være realistiske og kutte tiltak som eventuelt viser seg å bli for utfordrande å gjennomføre.

Fleire av tiltaka er allereie vidareføring/utviding av eksisterande prosjekt, så for oss blir samarbeid ein viktig brikke gjennom heile prosjektgjennomføringa. Har derfor teke med eiga kolonne med samarbeidspartnarar der det er aktuelt.

Ynskjer å trekke fram følgjande 3 tiltak, som vil få spesielt høg prioritet i eit eventuelt BU-prosjekt:

- Strengebru over Nausta.
- Bruk og næringsutvikling i landskapsvernområde.
- Tilretteleggje for tomter og ny busetnad.

Trivsel:

Tiltak	Beskrivelse	Samarbeidspartnar
*Strengebru	<ul style="list-style-type: none"> • Strengebru over elva Nausta ved Jubrauta/Slettemark. • Opnar for tur-runde for gåande, syklande og ridande. 	<ul style="list-style-type: none"> • Instedalen Krins
Skianleggutvikling	<ul style="list-style-type: none"> • For eksempel arrangere årlig ”Instiade”, som er ei rekke vinterkonkurransar for både vaksne og born. (Ski, aking, Slalåm, Hopp..). • Lysløype/turløype. • Fast sanitær-løysing. 	<ul style="list-style-type: none"> • Instedalen Skianlegg • Røde Kors • Tambarskjelvar idrettslag
Badeplass	<ul style="list-style-type: none"> • Utbedre badeplassen i Sauheølen. 	<ul style="list-style-type: none"> • 4H
Skilting	<ul style="list-style-type: none"> • Gards og grendenamn 	<ul style="list-style-type: none"> • Naustdal kommune
Rastepllass i Styggelia	<ul style="list-style-type: none"> • Bord og benkar. • Sette opp infoskilt om Instedalen med kart. • Utsikt over Styggelifossen. 	<ul style="list-style-type: none"> • Naustdal kommune • Grunneigarane
Trimrom	<ul style="list-style-type: none"> • Samanslåing av garderobar på skulen. • Skaffe treningsutstyr. • Etablere faste treningsaktivitetar for både vaksne og born. 	<ul style="list-style-type: none"> • Instedalen Krinstyre • Naustdal kommune
Søndagskafe	<ul style="list-style-type: none"> • Kafe på skulen med sal av kaker og kaffi. • Sosialt samvær. 	<ul style="list-style-type: none"> • Bygdekvinnelaget

Næringsutvikling:

Tiltak	Beskrivelse	Samarbeidspartnar
*Bruk og næringsutvikling i Landskapsvernombordet	<ul style="list-style-type: none"> Vona, innfallsport til landskapsvernombordet. Friluftspakker med tur, kost og losji. Guida turar. Marknadsføring. Infosenter for landskapsvernombordet. 	<ul style="list-style-type: none"> Øvre Naustdal utmarksleg Lokale guidar Grunneigarar Fylkeskommunen
Slettemarksenter/Kunst –kulturløype Kunstseminar/utslling	<ul style="list-style-type: none"> Kunstsenter etter Kjartan Slettemark. Kunst –kulturløype som knyter saman Slettermarks heimstad, med kunstsenter på grendockulen (Stengebrua over Nausta viktig del). Delta i arrangement kvart 2. år. 	<ul style="list-style-type: none"> Naustdal Kommune Kunst på Tvers SlettemarkArt
Rydding av ferdelsårer/turstiar	<ul style="list-style-type: none"> Merke stiar ihht nye standard. 	<ul style="list-style-type: none"> Over stok og Stein Naustdal kommune
Turkart	<ul style="list-style-type: none"> Oversikt over turar i Instedalen, med fargekodar. 	
Heimeside	<ul style="list-style-type: none"> Instedalen.no. Kva skjer-kalender. Halde kontakten med unge utflytta frå grenda. Opplegg for nytiflytta. 	

Busetnad:

Tiltak	Beskrivelse	Samarbeidspartnar
*Tilretteleggje for tomter og ny bustad	<ul style="list-style-type: none"> Tilrettelegge for utlegging av tomter og nybygging. Hyttetomter. 	<ul style="list-style-type: none"> Grunneigarar Naustdal kommune
Tiflytting/ Tilbakeflytting	<ul style="list-style-type: none"> Marknadsføring. 	
Utleige	<ul style="list-style-type: none"> Marknadsføring. Tilrettelegge for utleige av tomme hus og gardsbruk. 	

5. Budsjett og finansiering

5.1 Budsjett

Prosjektmidler	1. År	2. År	3. År
Drift og Administrasjon	20000	20000	20000
Strengebru	30000	10000	5000
Skianleggutvikling	5000	7000	11000
Badeplass	0	5000	5000
Skilting	0	15000	15000
Rastepllass i Styggelia	15000	3000	3000
Trimrom	29000	9000	10000
Søndagskafe	1000	1000	1000
Bruk og næringsutvikling av Landskapsvernombret	10000	20000	20000
Slettemarksenter/Kunst –kulturløype Kunstseminar/utslling	20000	20000	20000
Rydding av ferdelsårer/turstiar	10000	10000	10000
Turkart		10000	10000
Heimeside	5000	5000	5000
Tilrettelegge for tomter og ny busetnad	10000	15000	15000
Tilflytting/ Tilbakeflytting	10000	15000	15000
Utleige			
	145000	145000	145000

5.2 Finansiering

Fleire av dei tiltake beskrive i kap. 4 vil i tillegg bli finansiert med særskilte midlar. Eksempel kan vere kommunalt næringsfond, Kulturlandskapsmidlar (for eksempel SMIL), spelemidlar, Støtte/midlar frå Bank og lokale organisasjonar/næringar. Fylkeskommunens støtte til infosenter for verna landskapsområde. Det er vanskeleg å estimere på førehand kor mykje det vil være mulig å hente av midlar på denne måten.

Finansiering	Kroner pr. år
BU - midlar frå fylkesmannen S&Fj	80 000
BU - midlar frå Naustdal Kommune	30 000
Dugnad frå Krinsen	30 000
Gåver frå bankar, lokale organisasjonar	5 000
Årleg finansiering:	145 000

Utarbeidd av:

Janne Lykkebø (janne.svorstol@naustdal.kommune.no)
 Ståle Fimland (sfim@online.no)
 Britt Slettemark
 Kjersti Slettemark
 Janne Katrine Teigen
 Norodd Bruflat
 Ruth Signe Bruflat
 Åsmund Bertelsen
 Else Savland